



UNIVERSITÄTS-  
BIBLIOTHEK  
PADERBORN

**Tractatus Iuridico-Politicus De Iure Superioritatis Ac  
Summa Potestate Rom. Pontificis**

**Wesseling, Hermann**

**Coloniæ Agrippinæ, 1662**

Genealogia Romanorum Imperatorum è domo Austriaca.

---

[urn:nbn:de:hbz:466:1-64514](https://nbn-resolving.org/urn:nbn:de:hbz:466:1-64514)

## G E N E A L O G I A

Romanorum Imperatorum è domo  
Austriaca.

I.

RUDOLPHVS I.

Fuit Alberti Sapientis Illustrissimi & Excelsi Comitis Habsburgensis, & Hedviggis filiaë Henrici postremi Comitis Kyburgensis filius, natus Anno 1218. à Frider. II. Imp. è sacro Baptismatis fonte levatus, ejusque in Aula educatus.

Illius conjuges fuere, prima, Anna filia Bernardi Magni Comitis in Hohenberg. Secunda Agnes Ottonis Ducis Burgundiaë filia: ex illa 7. filios, & 7. filias suscitavit. Electus est Romanorum Rex, & Imperator anno 1273. coronatus Aquisgrani anno 1274. scripsit se Landgravium Alsatiæ, Comitem Habsburgensem, Kyburgensem, & Lentzburgensem, appellatus est *Victoriosus*, siquidem in 14. cruentis præliis magnificus triumphator extitit, sacrum Romano. Germanicum imperium, quod pro-



propter 18. annorum vacantiam, & inter  
regnum, penè dilapsum erat, restituit. Hu  
jus mortalis vitæ stadium finivit in  
merßheim anno 1291. sepultus Spiræ Ne  
metum, ætatis suæ 74. regni, & imperii  
anno 18. cui tota Christianitas pro exantia  
tis curis, ac sumptibus se obstructam agno  
scit.

## II.

## ALBERTVS I.

Filius Rudolphi I. qui anno 1282. à pa  
tre, & imperio Archiducatu Austria, Du  
catu Styriæ, & Carniolæ in feudum datus  
contra Adolphum Imper. Romanorum  
Cæsar electus, & coronatus est Moguntia  
& Aquisgrani 1298. cum conjugè sua El  
sabetha Meinhardi Ducis Carinthiæ filia  
21. liberis procreatis, à Joanne Duce Sue  
viæ fratris sui Rudolphi filio, ejusque con  
fortibus propè Habsburgum perfidè truci  
datus, primò in Königs-Feldt sepultus,  
postmodum Spiræ depositus est. Impera  
toricidæ verò ob commissam feloniam, &  
homicidium gravi supplicio affecti sunt  
procurante Imperio de nece sui Capit  
vindictam.

III. FR



## III.

*FRIDERICVS III. Pulcher.*

Filius *Alberti I.* post Henricum VII. Luzelburgicum, præter suum cognatum Ludovicum IV. Bavarum an. 1314. Francofurti Cæsar electus, & anno 1315. Bonnæ coronatus est; conjunx ejus fuit Elifabetha Jacobi Regis Aragoniæ filia. A suo collega Ludovico, amisso prælio, an. 1322. biennium arrestatus, sed Ludovico punito gloriose ad clavum imperii rediit, & à Summo Pontifice solus Imperator declaratus, ac coronatus, demùm anno 1330. vitam cum morte mutavit, postquam 16. annos imperasset, & in *Maubach* magnificè sepultus est.

Post Fridericum III. ex aliis domibus Imperatores creati sunt *Car. IV. & V. Venceslaus* Reges Bohemiæ; *Fridericus* Dux Brunsvvicens. *Iodocus* Marggravius Brandeburgensis, *Rupertus* Dux Bavariæ, *Sigismundus* Rex Hungariæ, & Bohemiæ, quorum aliqui minùs feliciter, quàm Austriaci in regimine substiterunt, quia minùs in pietate, ac reverentia erga Sedem Apostolicam constantes manserunt.

IV. AL.



IV.

## ALBERTVS II.

Archiducis Alberti, Friderici III. fratris nepos an. 1438. Rex Hungariæ, Imperator, & Rex Bohemiæ modico temporis intervallo creatus, & coronatus est, sub hoc Cæsare Belgradum, seu Alba Graca vulgò *Griechisch Weissenburg* ab *Amurathe II.* Turc. Rege obsidione cinctus, sed ab *Alberto* magna strage, & interfectione Turcarum liberata fuit. Ejus uxor erat *Elisabetha* Sigismundi Cæsaris unica filia, cum qua Hungaria, Bohemia, & Moravia pervenit ad Austriacos. Animam reddidit in Hungaria ex nimio peponum, & melonum esu, anno ætatis suæ 43. altero regiminis, sepultus in Alba regali, vulgò *Stull Weissenburg* / maximo imperii, regnorum, & Christianorum ludu.

Post hunc imperiale diadema continuè seriè apud Austriacos permansit, maxima totius Christianitatis utilitate, ac pace,

V.

## FRIDERICVS IV.

Archiducis *Ernesti Ferrei* filius natus Oenoponti, an. 1415. Electus est in Romanorum



norum Regem, & Imperatorem Franco-  
 furti an. 1440. coronatus Aquisgrani 1442.  
 Uxor ejus erat *Eleonora* Eduardi Regis  
 Portugalliae filia. Hic aestimavit scientias,  
 & Doctores Equestri Ordini conjunxit, &  
 Nobilibus pares esse voluit tam in Cathe-  
 dralibus Ecclesiis, quam Comitiorum  
 Conventibus, unde & Doctores JC. Prae-  
 nobilium titulo in Recessibus Imperii  
 gaudent. Obiit Lincii ad Danubium an-  
 no 1493. sepultus Neostadii, anno aetatis  
 suae 78. Imperii vero 54. qui sola scientia, &  
 rerum experientia regebat universa.

## VI.

## MAXIMILIANVS I.

Filius *Friderici IV.* generosus, & ap-  
 primè doctus paternis vestigiis insistens, ac  
 Turcae formidabilis Imperator timore, &  
 amore continuit Imperium. Hic decem  
 Circulos, vulgò *Des Heiligen Römischen*  
*Reichs Kraissen/* nec non Cameram Im-  
 perialem Spirensensem instituit. Natus est  
 an. 1459. creatus *Cesar* an. 1486. Franco-  
 furti, coronatus Aquisgrani. Uxor ejus  
 fuit prima, *Maria* Caroli Ducis Burgun-  
 diae filia, cum qua 17. Provinciae Belgicae ad  
 N Austria-



P. 1  
 0  
 Austriacos translatae sunt, quae demum  
 post Carolum V. cui omnes, & singulae sub-  
 erant, per quosdam rebelles, qui Genus  
 id est, *Mendici* appellabantur, teste Surio  
 magna ex parte cum à juramento, tum à  
 fide Orthodoxa Romano-Catholica  
 emergente Joanne Calvino flagitioso quo-  
 dam Sodomita, seditione orta ad Calvi-  
 nismum defecerunt propter praesensam  
 Ducis Albani saevitiam. Secunda uxor  
 fuit *Blanca Maria* Galeatii Sfortiae Ducis  
 Mediolanensis filia. Obiit Weltii an. 1518.  
 Sepultus Neostadii, aetatis suae 60. Imperator  
 verò 33. anno. Post ejus obitum nonnullae  
 mutationes Procerum Imperii erant sub  
 incide, quas successor Carolus V. sustulit.

## VII.

## CAROLVS V.

Maximiliani I. nepos, Philippi I. Hispa-  
 niarum, & Indiarum Regis Catholici  
 lius, natus Gandavi in Flandria anno 1500.  
 factus Hispaniarum Rex an. 1518. electus  
 Romanorum Imperator 1519. coronatus  
 Aquisgrani 1520. Sub hoc Imperatore  
 gustana Confessio usque ad finem Sacro  
 Sancti, & Oecumenici Concilii Tridentini  
 Regi



(cui quidam non rectè de Christo, ejusque S. Romana Ecclesia sentientes contradicebant) permiffa fuit. Graviffima bella contra Galliam adverfus Smalcaldicum Caenam, nec non in Africa gessit. Uxor ejus erat *Isabella* Augusta Emanuelis Regis Portugalliae filia; tandem rerum humanarum pertæsus, de æternitate præcogitans Imperio, & Regno Hisp. se abdicavit. Hoc Philippo filio, illo Ferdinando fratri relicto, apud *S. Iustum* in Hispaniis Deo se totum quantum, posthabitis mundanis curis, consecravit an. 1556. Ubi duobus post annis vitam sanctè finivit, Granatæ sepultus, ætatis suæ 59. Imperiorum verò 40. anno.

## VIII.

## FERDINANDVS I.

Caroli V. germanus frater natus Medinæ an. 1503. coronatus Rex Bohemiae anno 1526. Pragæ, Rex Hungariæ Albæ Regalis an. 1527. Romanorum Rex anno 1531. Imp. an. 1558. Cum Augusta sua conjugè Anna Vladislai IV. Hungar. ac Bohemiae Regis filia duo illa regna Austriæ adjecit.

N 2

Adver-



Adversus Joannem Zepusiensem bellum  
 excitavit pro corona Hungariæ. Expulit  
 Solimannum Germaniã, & Hungariã, &  
 post præclaras victorias Viennæ postre-  
 mum clausit diem an. 1564. ætatis suæ 62.  
 regiminis verò 34. anno, cui regnum Ger-  
 manix, Hungaria, & totum Rom. Impe-  
 rium obstricta permanent, ejusque obitu  
 tum magno luctu Catholici contestati  
 sunt, hæreticum quippe ab avita religione  
 alienum nec aspicere voluit, nec tolerare,  
 re, &c.

IX.

## MAXIMILIANVS II.

Ferdinandi Imp. filius natus Viennæ an-  
 no 1527. unius anni intercapedine Regni  
 Hungariæ, Bohemiæ, & Imperatoris cre-  
 ctus, & coronatus est anno 1562. ad 1576.  
 Uxor ejus erat Maria Caroli V. Imp. filia.  
 Per suos Generales plurima in Hungaria  
 cum Solimanno gessit bella tutatus Imperium  
 à Turcarum infestatione, & impetente  
 ruina. Obiit anno 1576. Ratisbonæ  
 in Comitibus, ætatis suæ 50. regiminis verò  
 14. anno, postquam saluberrima consilia  
 de conservando Imperio Vasallis, Principibus  
 &c. impendit.



pibus, & Septemviris dedisset, & Comitia pro salute Imperii jam ferè ad finem perduxisset.

X.

*RV DOLPHVS II.*

Maximiliani II. filius natus Viennæ anno 1552. Romanorum Imperator electus, & coronatus anno 1575. continuè contra magnum Turcam bellis detentus, crebrò hunc immanem tyrannum prostravit opulentiæ victoriis recreatus. Hujus ævo novum *Calendarium Gregorianum* à Sede Apostolica introductum fuit: magna rerum experientia, ac cœlestis vitæ exemplo præluxit. Sub ipso summa pax, & tranquillitas fuit in Imperio, nullæ externorum Principum confœderationes, sed unus omnium animus, magna subditorum Principum erga eum obedientia, & externorum Regum honor, & respectus, à magno Turca magnus Christianorum Imperator appellatus. Hujus in Aula Imperiali diem suum obiit famosus Astrologus *Tycho Brahe*, qui mira ipsi de Turcis prædixit. Obiit hic pientissimus Cæsar Pragæ an. 1612. postquam 60. annos vixisset, & 37. feliciter imperasset.

N 3

XI. MAT-



XI.

## MATTHIAS I.

Rudolphi II. frater, qui eo adhuc vivente in propria persona cruenta prælia adversus Turcam suscepit, natus est an. 1557. electus Romanorum Imperator an. 1612. Sub ipso an. 1617. sumpsit exordium bellum Bohemicum cum Friderico Palatino Electore, qui se Regem facere volebat, infelicis suo successu, irritoque conatu, dum perfidiæ suæ ac commissæ in Cæsarem, & Imperium feloniam poenas daret, Altissimo Deo sic disponente, qui mandat Cæsari dari, quæ Cæsaris sunt, & Deo, quæ Dei sunt. Obiit an. 1619. Viennæ, ætatis suæ 63. regiminis verò 7. anno.

XII.

## FERDINANDVS II.

Archiducis Caroli, Imperatoris Maximiliani II. fratris filius, seu nepos, natus Græcii an. 1578. creatus Romanorum Cæsar an. 1618. Rex Hungar. & Bohemiæ 1619. per suos Generales Tampir, Buquoy, Wallenstein, Papenheim, &c. adjuvante Deo, & potentissimo Principe Electore Maximiliano



liano Bavariæ Duce, sui consobrini Friderici propter Deum oblito, sui commodi propter commune bonum incurio, suæ vitæ propter Ferd. Cæsarem, & Imperium prodigè victoriosè belligeravit cum Bohemis, Hungaris, confœderatis, & unitis Principibus Protestantibus Catholicæ Religionis inimicis, Danis, & Suecis, quos in fugam, & stragem dejecit, adeo ut Austria sit conservata, Bohemia subjugata, Moravia recuperata, Hungaria quoad Turcas, & rebelles tremefacta, Silesia sollicitata. Vide Constantin. Peregrin. *in suo lib. tit. Buquoy, quadrimest. iter, &c. per tot.* Obiit in magna vitæ sanctitate in suo Imperiali Palatio Viennæ anno 1637. sepultus Græcii, postquam vixisset annos 58. imperassetque 18. & 12. præclaras reportasset victorias, quarum primaria fuit in Bohemia ad montem Album, ubi Cæsar, & Bavarus cum Generali Buquoyo, &c. de parienda victoria, ob inimicorum potentiam desperantes, sed à Ven. P. *Dominico à Jesu Carm. Discalc.* confortati, eoque Patre cum Crucifixo præeunte animati prælium ingressi confœd. parta victoria internecione deleverunt. Conjuges ejus fuere, prima



*P. I.*  
*o*  
 Maria Anna Wilhelmi Ducis Bavariae filia: Secunda Eleonora Vincentii IV. magni Ducis Mantuae, &c. primogenita, filia prima natus est Sereniss. Archidux Leopoldus VVilhelmus anno 1614. quem Deus Opt. Max. sospitare, ejusque bona consilia, auxilia, & felices successus pro salute imperii felicissimis incrementis secundare dignetur.

## XIII.

## FERDINANDVS III.

Filius Ferdinandi II, natus an. 1608. Romanorum Imperator electus, & coronatus Ratisbonae an. 1636. in praelio ante Nordlingam commisso Triumphator exitimatum bellum cum Gallis, & Suecis 12. annos continuavit, ac saepe contra conjunctas coronas triumphavit, donec tandem anno 1648. post sexennalem Tractatum pacis universalis *Monasterii Westphaliae* concluderetur. Obiit an. 1657. aetatis suae 49. regiminis vero 21. annor. Ex tribus uxoribus reliquit 3. filios, nempe ex Maria Philippa Hispaniarum, & Indiarum Regis filia Leopoldum Ignatium: Ex Maria Leopoldina Archiducis Leopoldi V. filia



filia Carolum Josephum natum an. 1649.  
 Et ex Maria Eleonora moderna Impera-  
 trice vidua Ferdinandum Josephum Aloy-  
 sium. Filia ejus Maria Anna ex prima con-  
 jugo est moderna Hispaniarum Regina  
 Regis Philippi IV. conjunx, nata an. 1635.  
 25. Maii. Quam Deus cum suo Catholi-  
 cissimo Rege, & Monarcha per diu servet  
 incolumem.

## XIV.

## FERDINANDVS IV.

Filius quoque Ferdinandi III. è prima  
 conjugè natu major, genitus est an. 1633.  
 electus, & coronatus Romanorum Rex  
 Augustæ Vindelicorum, & Ratisbonæ an-  
 no 1653. susceptis prius regnorum Hunga-  
 riæ, & Bohemiæ coronis, a. 1654 pustulis,  
 seu varis sublatus è vita magno omnium  
 luctu, & tristitia propter innatam mansue-  
 tudinem, & bonitatem.

## XV.

## LEOPOLDVS I.

Ferdinandi IV. Germanus frater natus  
 An. 1640. quinto nonas Junii: Rex Hun-  
 gariæ anno 1655. 27. Junii, & Bohemiæ 1656.

N 5

14. Se-



14. Septembr. Romanor. verò Imp. creatus 1658. 8. Julii, coronatus 15. ejusd. Francofurti. Quem Deus ter Opt. Max. in longitudine dierum cum sua sancta benedictione, & prosperitate exaltare dignetur, quatenus unanimi Electorum, & Principum Imp. robore Ottomannicam tyrannidem labefactare, atque adeò vires S. R. Imperii adaugere valeat, ut non solum perditam Christi Salvatoris nostri patriam, id est, Palæstinam, seu Terram Sanctam, sed & proprias suas, & Imperii Provincias per discordiam Christianorum, & hæresim amissas recuperare mereatur.

Habes hîc, Candide Lector, quod volumus, Laconicam Augustissimorum è Serenissima Domo Austriaca prodeuntium Christianorum Cæsarum Genealogiam initium, & progressum; unde hi ordinarii Cæsarum, & Imp. nostrorum Tituli colligi solent, quos & magnus Turca hunc in modum quandoque reperitur usurpasse; prout apud Christianos recipi solet.

*Sacratissimo, & Invictissimo Christianorum longè potentissimo Imperatori, & præcunctis Regibus, & Principibus Europa Serenissimo Principi, ac Domino, D. N. Leopoldo*  
*drum*



*divina favente clementia Romanorum Cæsa-*  
*ri semper Augusto, Germania, Hungaria, Bo-*  
*hemia, Dalmatia, Croatia, Schlavonia, &c.*  
*Regi, Archiduci Austria, Duci Burgundia,*  
*Brabantia, Styria, Carinthia, Carniolia, Lu-*  
*cemburgia, VVürtembergæ, Superioris, & In-*  
*ferioris Silesiæ, &c. Principi Suevia, Mar-*  
*chioni S. R. Imp. Burgovia, Moravia, ac Su-*  
*perioris, & Inferioris Lusatia, &c. Comiti*  
*Habsburgi, Tyrolis, Kyburgi, Goritia, &c.*  
*Landgravio Alsatiæ, Domino Marchia,*  
*Schlavonia portus Naonis, & Salinarum,*  
*&c. Quos omnes, vide in Aurifod. nostr.*  
 Ubi annotatum reperies, omnium Mo-  
 narcharum, Regum ac Principum totius  
 Mundi Legatos apud magnum Turcam  
 nec sedere, nec loqui, nisi Augustissimi  
 Romanorum Cæsaris Legatus primas con-  
 secutus orationem, & commissionem suam  
 sedendo honorificè absolverit: Reliqui  
 Legati suas commissiones stando propo-  
 nere jubentur: nullum siquidem Imp. in  
 mundo admittit, nisi se. & Cæsarem. Unde  
 in actis Treugæ, & pacis inter Christianos,  
 & Mahometanos ponuntur hæc verba:  
*Nos duo potentissimi Imperatores, &c.*  
*Vide Aurifod. verb. Turcicum Imp.*